

Pinnarum prope caudam longitudo septem digitorum, latitudo quatuor. *Capitis* longitudo decem, latitudo septem digitorum, crassities sesquipedis. *Caudae* longitudo quatuor pedum et trium digitorum: crassities sesquipedis. *Caudae* latitudo quatuor pedum et trium digitorum: crassities in exortu quinque digitorum, quae sensim gracilescit. Paulo post exortum caudae superius parvam pinnam curtam habet, paulo plus digito longam, et mox post eam duos hamulos sibi invicem super erectos, piscatoriis hamulis similes et incurvatos, longitudine trium digitorum. Caro boni est saporis, sufficiens quadraginta hominibus saturandis.

Tiburoni species minor. Belgis een Crupshape, a figura. Convenit cum majore, excepto capite, quod triangulare habet, seu prout cor vulgo pingitur. *Oculi* parvi ad latera ipsius capitatis. *Os* parvum, triangulare longe infra positum, triplici ordine dentium minorum, unde ita nocere non potest, os quippe habens angustum. Caro melius sapit, quam majoris.

Iperuquiba, et *Piraquiba*. Lusitanis *Piexe pogador* et *Piexe piolho*, nostratibus *Dupger*, quia Tiburoni adhaeret fugens. Octodecim digitos longus, fere teres, quatuor digitos crassus, ubi crassissimus, in postica parte attenuatur. *Os* habet triangulare, cujus pars superior brevior inferiori, etiam linguam. *Caput* superius ad dorsum usque duos digitos longum, circiter planum et figuratum, ut palatum alicujus piscis striis transversis, hac parte Tiburoni firmiter adhaeret in ventre, et capto illo simul capitur. *Oculi* parvi, flavi, pupilla nigra, semicirculo flavo. *Dentes* nulli, sed eorum loco multae minutissimae prominentiae. Post branchias utrobique pinnam obtinet triangulatam, duos et semis digitos longam, subter in ventre duas junctas: a medietate corporis tam superius, quam inferius, etiam pinna extenditur angusta usque ad caudam, quae pinna constat sesquidigitum longa. *Cute* tegitur per totum corpus cinerei coloris.

TITVLVS III.

DE ALIQVOT ALIIS, ET INTER HOS
MONSTROSIS PISCIBVS.

CAPVT I.

De pisce ἀνθρωπομορφῶ et Remoranti.

TAB. XL. I.
Kircher. Ar-
tis Magnet.
3. par. l. 6.
p. 675.

Piscem ἀνθρωπομορφῶν, ita describit Kircherus. Capitur certis anni temporibus in mari Orientali Indiae ad insulas Villajas, quas insulas Pictorum vocant, sub Hispanorum dominio, piscis quidam ἀνθρωπομορφῶς, id est, humana prorsus figura, quam ideo Peche muger vocant, ab indigenis Duyon. Caput habet rotundum, nulla colli intercapedine trunco compactum. Extremae aurium fibrae, quae et auriculae nominantur, ex cartilaginea carne eleganter vestita, quarum interior pars amplissimis formata anfractibus, veram hominis refert aurem; Oculos suis ornatos palpebris, situmque et colore non piscis sed hominis judicares; naso nonnihil aberrat: ma-

lam inter utramque non usquequaque eminent, sed levi tramite bipartitur; sub eo vero labra magnitudine specieiue nostris simillima. Dentium non quales insunt piscium generi ferratiliū, sed plenorum et candidissimorum continua series. Pectus alba cute contextum, hinc atque hinc paulo latius quam pro corpore in mammas extuberans; neque eas ut foeminis pendiculas, sed qualis virginibus globosas, plenas lactis candidissimi. Brachia non longa sed lata ad natandum apta, nullis tamen ipsa cubitis, ulnis, manibus, articulisve distincta. In administris soboli propagandae membris, in utroque sexu nulla ab humanis distinctio: posthaec in piscem cauda desinit. Haecenus